

342-8

2-94

1927

342.8
Z-94

Պրոլետարներ բոլոր լեհերների, միացե՛ք!

Վ. Ս.



Խ. Հ.

ՀՐԱՀԱՆԳ

ԲԱՆՎՈՐԱԿԱՆ, ԳՅՈՒՂԱՑԻԱԿԱՆ ՅԵՎ ԿԱՐՄԻՐ-ԲՍՆԱԿԱՅԻՆՆԵՐԻ
ՊԱՏՎԻՐԱԿՆԵՐԻ ԽՈՐՀՈՒՐԴՆԵՐԻ ԸՆՏՐՈՒԹՅՈՒՆՆԵՐԻ ՅԵՎ
ԽՈՐՀՈՒՐԴՆԵՐԻ ՀԱՄԱԳՈՒՄԱՐՆԵՐԻ ԳՈՒՄԱՐՄԱՆ ՄԱՄԻՆ

Հրատարակություն Վ.Ս.Հ. Կենտրոնական

Թիֆլիս, 1927

14 JUN 2013

18631

35.674

MAR 2010

ՎՈՐՈՇՈՒՄ

Խորհուրդների Համավրացական Կենտրոնական Գործադիր Կոմիտեի
Խորհուրդների ընտրության հրահանգը հաստատելու մասին:

Վրաստանի Սոց. Խորհրդ. Հանրապետության Սահմանադրության
95-րդ հոդվածի հիման վրա Խորհուրդների Համավրացական Կեն-
տրոնական Գործադիր Կոմիտեն վ որ ո շ ու մ ե՝

1. Հաստատել Բանվորական, Գյուղացիական և Կարմիր բանա-
կայինների պատվիրակների խորհուրդների ընտրությունների և Խոր-
հուրդների Համագումարներ հրավիրելու մասին ստորև բերած հրա-
հանգը:

2. Սույն վորոշումն ընդունելու որից վերացվում է Բանվորա-
կան, Գյուղացիական և Կարմիր բանակայինների պատվիրակների
Խորհուրդների ընտրությունների և Խորհուրդների Համագումարներ
հրավիրելու մասին հրահանգը, վորը հաստատել է Համավրացական
Կենտրոնական գործադիր Կոմիտեն 1926 թ. դեկտեմբերի 28-ին:

3. Նույն որվանից համարել ու յ ժը կորցրած խորհուրդների ըն-
տրություններ կատարելու համար սահմանած կարգից մի քանի բա-
ցառություններ Թիֆլիս քաղաքի նկատմամբ սահմանելու մասին
Համավրացական Կենտրոնական Գործադիր Կոմիտեի 1927 թ. հուն-
վարի 11-ի № 1 վորոշումը:

4. Աբխազիայի Սոցիալիստական Խորհրդային Հանրապետու-
թյան, Աճարիստանի Ինքնավար Սոցիալիստական Խորհրդային Հան-
րապետության և Հարավ-Ոսեթիայի Ինքնավար Շրջանի Կենտրոնա-
կան Գործադիր Կոմիտեներին իրավունք է վերապահվում սույն վո-
րոշման 1-ին հոդվածում մատնանշած հրահանգի մեջ մուծել կեն-
ցաղի առանձնահատկություններից և տեղական այլ պայմաններից



604553

բղխող վորոշումներ, լրացումներ, նախապես ստանալով Համավրացական Կենդրոնական Գործադիր Կոմիտեյի Նախագահության սույն լրացումների հաստատությունը:

Խորհուրդների Համավրացական Կենտրոնական

Գործադիր Կոմիտեյի Նախագահի Տեղակալ՝ Ս. Թորքիա

Խորհուրդների Համավրացական Կենտրոնական

Գործադիր Կոմիտեյի Քարտուղար՝ Շ. Մաթիկաժյիլի

1927 թ. դեկտեմբերի 16-ին

Թիֆլիս—Պալատ:

ՀՐԱՀԱՆԳ

Բանվորական, գյուղացիական յեվ կարմիր-բանակայինների պաշտպանների խորհուրդների ընտրությունների յեվ Խորհուրդների Համագումարների գումարման մասին:

Գ Լ Ո Ի Խ |

ՔԱՂԱՔԱՑԻՆԵՐԻ ԸՆՏՐԱԿԱՆ ԻՐԱՎՈՒՆՔՆԵՐԻ ՄԱՍԻՆ:

1. Խորհուրդների համար ընտրելու և ընտրվելու իրավունք ունեն անկախ ազգությունից, ցեղից, նստակեցությունից և այլն՝ Վրաստանի Սոցիալիստական Խորհրդային Հանրապետության մինչև ընտրության օրը 18 տարին լրացած հետևյալ քաղաքացիները.

ա) Բոլոր արտագրող և հասարակագուտ աշխատանքով ապրուստի միջոցներ ձեռք բերողները, ինչպես որինակ՝ առևտրի, արդյունաբերության և գյուղատնտեսության մեջ զբաղված ամեն տեսակի և կատեգորիայի բանվորներն ու ծառայողները, շահ ստանալու նպատակով վարձու աշխատանքով չոգտվող գյուղացիները, տրանսպորտները և արհեստավորները, խորհրդային հիմնարկություններում ծառայողներն և այլն, նույնպես և տնային տնտեսությունում առաջինների համար աշխատանքի հնարավորություն ընձեռնողները.

բ) Բանվորա-գյուղացիական կարմիր զորքի և նավատորմի կարմիր բանակայիններն և կարմիր նավատորմները:

Ծանոթություն: Վերև մատնանշած քաղաքացիները (սույն հոդվածի «ա» և «բ» կետ.) չեն կորցնում իրենց ընտրական

իրավունքն և այն դեպքում, յեթե կորցրել են աշխատունակությունը կամ ժամանակավորապես մնացել են առանց գործի:

2. Վրաստանի Սոցիալիստական Խորհրդային Հանրապետության քաղաքացիներին հավասար ակտիվ և պասիվ ընտրական իրավունք ունեն այլ խորհրդային հանրապետությունների քաղաքացիները, վորոնք գտնվում են Վրաստանի Սոց. Խորհրդ. Հանրապետության տերիտորիայի վրա, յեթե նրանք համապատասխանում են առաջին հոդվածով նախատեսված պայմաններին:

3. Վրաստանի Սոցիալիստական Խորհրդային Հանրապետությունը, ղեկավարվելով բոլոր ազգերի աշխատավորների համերաշխություն սկզբունքով, Վրաստանի ՍՄՀ քաղաքացիների բոլոր քաղաքական իրավունքների հետ միասին տալիս և ընտրության ակտիվ և պասիվ իրավունք և այն ոտարյեղիցիներին, վոր աշխատանքային զբաղմունքների համար ապրում են Վրաստանի տերիտորիայի վրա և պատկանում են բանվորական դասակարգին կամ վարձու աշխատանքից չոգտվող գյուղացիությանը:

4. Չեն ընտրում և չեն կարող ընտրվել խորհուրդների համար, նույնիսկ յեթե վերոյիշյալ կատեգորիաներից մեկն ու մեկին պատկանելիս լինեն՝

ա) այն անձինք, վոր շահ ստանալու նպատակով ոգտվել կամ ոգտվում են վարձու աշխատանքով.

բ) այն անձինք, վոր ապրել կամ ապրում են անաշխատ յեկամություններով, ինչպես որինակ՝ դրամագլխի տոկոսներով, ձեռնարկությունների շահով, գույքի հասույթով և այլն.

գ) այն անձինք, վոր զբաղվել են կամ այժմ զբաղվում են մասնավոր առևտրով, նոյնպես և առևտրական և վաճառականական միջնորդությամբ.

դ) բոլոր դավանությունների և աղանդների կրոնական պաշտամունքի նախկին և այժմյան սպասավորները.

ե) այն անձինք, վոր ցարական կառավարության օրոք ծառայել են վոստիկանության մեջ, ժանդարմների առանձին կորպուսում, պաշտպանողական բաժանմունքներում և մենշևիկյան կառավարության ներքին գործոց մինիստրությանն առընթեր առանձին բաժնում, Ռուսաստանում թագավորած տան անդամները, նույնպես և

այն անձինք, վոր ղեկավարել են վոստիկանության, ժանդարմերի-
այի և պատժիչ զնդերի գործունեությունը:

դ) այն անձինք, որ քրեական դատարանի որենքի ույժ ստա-
ցած վճիռներով դատապարտված են սոցիալական պաշտպանության
այնպիսի միջոցի, վորի հետևանքով զրկված են իրավունքից դատա-
վճռով սահմանած ժամանակի ընթացքում:

ը) սահմանված կարգով հոգեպես հիվանդ և խելակորույս ճա-
նաչվածները, նույնպես և խնամակալության տակ գտնվողները:

5 Քաղաքացիների առանձին կատեգորիաներից չեն կարող ող-
տրվել ընտրական իրավունքով:

ա) այն հողագործները, վոր կիրառում են սեզոնային և մշտա-
կան վարձու աշխատանք այնպիսի ծավալով, վոր նրանց տնտեսու-
թյունը չի կարող համարվել աշխատավորական տնտեսություն:

Մանրություն: Աշխատավորական տնտեսության հիմնական հատ-
կանիչն է տվյալ ղեկավարված վարձու աշխատանքի ոժանդակիչ բնույթը,
տնտեսության ամենօրյա աշխատանքի մեջ ընտանիքի բոլոր աշխա-
տունակ անդամների պարտադիր մասնակցությունը:

բ) այն հողագործները, վոր հողագործական տնտեսություն հետ
միասին ունեն արհեստային և արդյունաբերական ձեռնարկություն-
ներ (Չրադաց, սղոցարան և այլն) ուր մշտապես կամ վորոշ սեզոնի
ընթացքում կիրառվում է վարձու աշխատանք:

գ) այն անձինք, վոր ծառայագրում են տեղական աղղաբնակ-
չությունը, սիստեմատիկաբար վարձու տալով նրան գյուղատնտե-
սական մեքենաներ, աշխատավոր անասուն և այլն, կամ մշտապես
ապրանքային կամ գրամական վարկ են տալիս բնակչությանը ծա-
ռայագրական պայմաններով:

դ) մշտապես բանվորական վարձու ույժ կիրառող տնայնա-
գործներն և արհեստավորները, յեթե նրանք չեն յենթարկվում
սույն հրահանգի 6-րդ յոգվածի «ը» կետի ներգործությանը:

ե) արդունաբերական տիպի ձեռնարկությունների տերերը,
վորոնք շահագործում են աղղաբնակչությունը, տուն տալով այս
կամ այն աշխատանքը:

զ) գործարանային տիպի ձեռնարկությունների տերերը կամ
վարձողները:

ը) սպիտակ գորգերի նախկին սպաներն և պաշտոնյաները,

նույնպես և հակահեղափոխական բանդաների ղեկավարները, յեթե
նրանց ընտրական իրավունքները չեն վերականգնված ԽՍՀՄ կամ
գաղնակից Հանրապետություններից մեկն ու մեկի կենտրոնական
Գործադիր կոմիտեյի հատուկ վորոշումներով:

թ) այն անձինք, վոր ուղղակի կամ անուղղակի կերպով ղե-
կավարել են վոստիկանության, ժանդարմերիայի և պատժիչ մար-
մինների գործունեությունը թե ցարիզմի շրջանում, և թե սպիտակ
հեղափոխական կառավարությունների որոշ, ինչպես որինակ՝ նախ-
կին մինիստրները և նրանց ոգնականները, մինիստրության ղե-
պարտամենտների տեսուչները, զենեքալ-նահանգապետները, կառա-
վարչապետները, զինվորական և քաղաքացիական նահանգապետները
ու նրանց ոգնականներն, ազնվականության նահանգական և զավա-
ռական պարագլուխները, առանձին հանձնարարություն պաշտոնյա-
ները, ավագ նախագահները, քրեական ղեպարտամենտների նախա-
գահներն և անդամները, նույնպես և դատաստանական պալատների
դատախազներն և նրանց ոգնականները, կարևորագույն գործերի
քննիչները, զինվորական դատարանների նախագահներն և անդամները,
զինվորական քննիչները, զինվորական դատախազներն և նրանց ող-
նականները, նահանգական վարչության անդամները, զեմսկի
պետերն և գավառապետները, ներքին գործոց մինիստրու-
թյան պաշտոնյաները և լեռնային տեսչության ծառայողները,
նոյնպես Վրաստանի մենշևիկյան կառավարության որոշ հետ-
ևյալ պաշտոնյաներ վարողները՝ մինիստրներն և նրանց ող-
նականները, զենեքալ-նահանգապետները, նահանգապետներն և ար-
տակարգ կամիսարները, ժողովրդական գվարդիայի շտաբների նա-
խագահներն և անդամները, արտակարգ և զինվորա-դաշտային դա-
տարանների անդամներն և դատախազները, ներքին գործոց մինիս-
տրության զիվանատան տեսուչն և փոխ տեսուչը, նույն մինիս-
տրության վարչական բաժնի պետն, նրա ոգնականն և վարչության
բանտերի տեսուչները:

ժ) վարչական կարգով աքսորվածները, նույնպես և այն ան-
ձինք, վորոնց վերաբերյալ տեղի յե ունեցել դատական վճիռ, վորը
զրկում է նրանց ապրելու իրենց նախկին բնակավայրում՝ հանցա-
վոր միջավայրի հետ կապ ունենալու հետևանքով և կալանատեղե-
րում գտնվողները:

6. Չեն գրկվում՝ ընտրական իրավունքներից հետևյալ կատեգորիաներին պատկանող անձինք՝

ա) այն հողագործները, վորոնք իրենց տնտեսության մեջ կիրառում են մի մշտական բանվորի վարձու աշխատանք առանձին հանգամանքներում, ինչպես որինակ՝ հիվանդության, գորաժողովի, հասարակական այնպիսի պաշտոն հանձն առնելու հետևանքով, վոր խանգարում է տնտեսությամբ պարապելու և այլն, բոլոր այն ժամանակաշրջանի ընթացքում, յերբ տնտեսությունը գտնվում է տրվյալ վիճակի մեջ.

բ) այն հողագործները, վոր յեռուն աշխատանքի ժամանակ՝ հաց, խոտ, բամբակ և այլ տեխնիկական մշակույթներ ջրելու և ժողովելու, խաղող քաղելու կամ այլ շտապ աշխատանք կատարելու համար կարճ ժամանակով վարձում են յերկուսից վոչ ավելի բանվոր.

գ) այն գյուղացի-հողագործները, վորոնք գնում են սեզոնային աշխատանքների և այդ ժամանակվա համար վարձում են մի բանվոր, յեթե ընտանիքում չկա աշխատունակ անդամ.

դ) այն գյուղացիները, վորոնք ոգտվում են մի հովվի վարձու աշխատանքով, յեթե հովվի աշխատանքը ոժանդակ բնույթ է կրում և ներկա գտնվող աշխատունակ անդամները մասնակցում են տնտեսության ամենորյա աշխատանքին.

ե) այն անձինք, վորոնք վարում են աշխատավորական գյուղական տնտեսություն և շուկա յեն հանում իրենց տնտեսության մրթերքները.

զ) արդյունաբերական ձեռնարկությունների այն վարձակալները, վորոնք չեն կիրառում վարձու աշխատանք և վարձակալած ձեռնարկություններում աշխատում են իրենք և իրենց ընտանիքի անդամները, յեթե նրանք չեն գրկվում ընտրական իրավունքից սույն հրահանգի այլ հոդվածների հիման վրա.

ը) այն անալագործներն և արհեստավորները, վորոնք վարում են աշխատավորական տնտեսություն առանց կիրառելու վարձու աշխատանք (կամ աշխատանքը դուրսը տալով, յեթե արհեստանոցի ունեցած սարքավորումը հնարավորություն չի տալիս կատարելու բոլոր աշխատանքը), նույնպես նրանք, վոր արտադրության պայմանների հետևանքով ոգտվում են մի հասակավոր բանվորի կամ յերկուսից վոչ ավելի աշակերտի աշխատանքով:

Ծանոթություն: Արտադրական պայմաններ ասելով հասկացվում է

միմիայն տեխնիկական պայմանները, յերբ արհեստի տեսակը պայմանավորում է վարձու աշխատանք կիրառելու անհրաժեշտությունը (որինակ մուրճ խփողը դարձնի համար և այլն):

թ) այն անհատները, վոր տոկոս են ստանում աշխատավորական գանձարկներին հանձնած ավանդներից և պետական, կոմունալ և կոոպերատիվ փոխառությունների պարտատոմսերից, յեթե այս յեկամուտները նրանց գոյության համար հիմնական աղբյուր չեն ծառայում կամ յեթե սույն անձինք այլ հիմունքներով չեն գրկված ընտրական իրավունքից.

ժ) այն անհատները, վորոնք առանձին հանգամանքների պատճառով զբաղվում են մանր առևտրով, ինչպես որինակ՝ աշխատանքի և պատերազմի հաշմանդամները, վորոնք առևտուր են անում Սոցիալական Ապահովագրության ժողովրդական Կոմիսարիատի ձրի պատենտներով, առաջին կարգի պատենտով առևտուր անող գործադուրկ բանվորներն և ծառայողները, յեթե նրանք ժամանակավորապես են զբաղվում առևտրով:

ի) այն անձինք, վոր վարձով կամ կրոնական համայնքների ընտրությամբ կատարում են վարչական-տնտեսական կամ տեխնիկական ֆունկցիաներ՝ կրոնական պաշտամունքների շինությունները կամ կրոնական ծեսերը սպասավորելու նկատմամբ, ինչպես որինակ՝ պահապանները, յերգիչները, յերգեցիկ խումբ կառավարողներն և այլն, նույնպես և յեկեղեցական խորհրդի անդամները, յեթե նրանք այլ հիմունքներով գրկված չեն ընտրական իրավունքից.

լ) այն բանվորները, աշխատավոր գյուղացիները, կազակները, արհեստավորներն ու անալագործները, վորոնք գորաժողովի հետևանքով ժամանակին ծառայել են սպիտակ գորգերի շարքերում.

խ) սպիտակ գորգերի նախկին այն սպաները և զինվորական պաշտոնյաները, վորոնք հետագայում յեղել են բանվորա-գյուղացիական Կարմիր Բանակի և բանվորա-գյուղացիական Կարմիր Նավատորմի շարքերում և ակտիվ մասնակցություն են ցույց տվել Խորհրդային Իշխանության զինված պաշտպանության գործում, նույնպես և նրանք, վորոնք ներկայումս Կարմիր Բանակում և Կարմիր Նավատորմում իսկական զինվորական ծառայության մեջ են.

ծ) ազատ պրոֆեսիաներին պատկանող անձինք, յեթե նրանք զբաղվում են հանրագուտ աշխատանքով և այլ հիմունքներով գրկված չեն ընտրական իրավունքից.

կ) ընտրական իրավունքից զրկված անհատներին ընտանիքի անդամները, յեթե նրանք կախում չունեն ընտրական իրավունքից զրկվածներին և ապրում են հանրագուտ աշխատանքով:

7. Սույն հրահանգի 4-րդ հոդվածի «ե» կետի զորությամբ ընտրական իրավունքից զրկվածները (վոստրիկանության նախկին ծառայողներն և այլն) կարող են մասնակցել ընտրություններին, յեթե նրանց ընտրական իրավունքը վերականգնված է Համավրացական Կենտրոնական Գործադիր Կոմիտեյի Նախագահության հատուկ վորոշումով, համապատասխան որենքով նախատեսված կարգով (Համավրացական Կենտրոնական Գործադիր Կոմիտեյի 1925 թ. դեկտեմբերի 4-ի № 47 դեկրետը):

8. Այն անձինք, վոր անցյալում կիրառել են վարձու աշխատանք շահ ստանալու նպատակով, ապրել են անաշխատ յեկամուտներով, պարապել են առևտրով կամ առևտրական միջնորդությամբ, ապրել են կրոնական պաշտամունքի պարտավորություններ կատարելու համար ստացած յեկամուտով, նույնպես և սպիտակ գորգի սպաներն և պաշտոնյաների թվին պատկանող անձինք (4-րդ հոդվ. «ա», «բ», «գ» և «դ» կետերը և 5-րդ հոդվ. «ը» կետը) կարող են իրավունք ստանալ մասնակցելու ընտրություններին Կենտրոնական ընտրական հանձնաժողովի վորոշումով, յեթե նրանք վոչ պակաս քան յերեք տարի զբաղվել են արտադրական և հանրագուտ աշխատանքով և ապացուցել են իրենց ուղղամտությունը դեպի Խորհրդային իշխանությունը, վորպիսի հանգամանք հաստատում է այն հիմնարկություն կամ ձեռնարկության վարչությունը, վորտեղ աշխատում է ընտրական իրավունքը վերականգնել ցանկացող անձը. նույն հանգամանքը կարելի յե հաստատել պատվիրակների խորհրդի կամ վորեւ վարչական մարմնի հավաստագրով: Ընտրական իրավունքը վերականգնելու մասին Կենտրոնական ընտրական հանձնաժողովի վորոշումները ներկայացնվում են ի հաստատություն Համավրացական Կենտրոնական Գործադիր Կոմիտեյի Նախագահությանը:

Ծանոթություն: Ընտրական հանձնաժողովների աշխատանքներն ավարտելուց հետո սույն հոդվածում մատնանշած անձանց ընտրական իրավունքն անմիջապես լուծում է Համավրացական Կենտրոնական Գործադիր Կոմիտեյի Նախագահությունը:

9. Ընտրական հանձնաժողովներն իրավունք չունեն լրացնելու կամ փոփոխելու սույն գլխում մատնանշած անձանց ցանկը:

ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ ՄԵՍԻՆ

10. Խորհուրդների ընտրություններ կատարելու համար կազմվում են հետևյալ ընտրական հանձնաժողովները.

ա) Կենտրոնական Ընտրական Հանձնաժողով.

բ) Աբխազիայի Սոց. Խորհրդ. Հանրապետության, Աճարխատանի Ինքնավար Սոց. Խորհրդ. Հանրապետության և Հարավ-Ոսեթիայի Ինքնավար Շրջանի ընտրական հանձնաժողովներ.

գ) Գավառական ընտրական հանձնաժողովներ.

դ) քաղաքային ընտրական հանձնաժողովներ.

ե) քաղաքներում ուսչոնական ընտրական հանձնաժողովներ.

զ) թեմիական ընտրական հանձնաժողովներ:

Ծանոթություն 1: Այն վայրերում, ուր գոյություն ունեն գյուղական խորհուրդներ բացի վերև հիշած հանձնաժողովներից կազմվում են գյուղական ընտրական հանձնաժողովներ:

Ծանոթություն 2: Ընտրական հանձնաժողովի անդամները հանձնաժողովում կատարած իրենց աշխատանքի համար առանձին վարձատրություն չեն ստանում:

11. Կենտրոնական ընտրական հանձնաժողովը, 23 անդամից բաղկացած, կազմում է Համավրացական Կենտրոնական Գործադիր Կոմիտեն՝ ղեկավարելու համար ամբողջ Հանրապետության մեջ կատարվող ընտրությունները:

Բացի ընտրական կամպանիայի ընդհանուր ղեկավարությունից Կենտրոնական ընտրական հանձնաժողովին հանձնարարվում է նաև քաղաքային, գավառական, ինքնավար հանրապետությունների և շրջանի ընտրական հանձնաժողովների գործողությունների դեմ տրված գանգառների քննությունը:

12. Աբխազիայի դաշնակից Սոց. Խորհրդ. Հանրապետության, Աճարխատանի Ինքնավար Սոց. Խորհրդ. Հանրապետության և Հարավ-Ոսեթիայի Ինքնավար Շրջանի Կենտրոնական Գործադիր Կոմիտեներին առընթիր ընտրական հանձնաժողովները կազմում են սույն Կոմիտեների Նախագահությունները:

Հանձնաժողովները բաղկացած են՝ մի Նախագահից, վորին հաստատում է Համավրացական Կենտրոնական Գործադիր Կոմիտեյի

Նախագահութիւնը, համապատասխան դաշնակից և ինքնավար միավորի Կենտրոնական Գործադիր Կոմիտեի յերկու ներկայացուցչից, Արհեստակցական Միութիւնների միավորումների, Յերիտասարդութեան Լենինյան Կոմունիստական Միութեան, Վրաստանի Կոմկուսի բանվորուհիների բաժնի, տեղական քաղաքային խորհրդի, ազգային փոքրամասնութիւնների և Կարմիր Բանակի մի մի ներկայացուցչից և գյուղացիական փոխադարձ ընկերութիւնների յերկու ներկայացուցչից:

Այս հանձնաժողովները գործում են սույն հրահանգի համաձայն:
13. Գավառական ընտրական հանձնաժողովները կազմում են գավառական գործադիր կոմիտեների նախագահութիւնները 9—11 անդամից բաղկացած կազմով՝ մի նախագահից, գավառական գործադիր կոմիտեի, գավառական արհեստակցական բյուրոյի, Յերիտասարդութեան Լենինյան Կոմունիստական Միութեան, Վրաստանի Կոմկուսի բանվորուհիների բաժնի, գավառական քաղաքի խորհրդի և ազգային փոքրամասնութիւնների, գավառական գյուղացիական փոխադարձ ընկերութեան, նույնպէս և Կարմիր բանակի և նավատորմի ներկայացուցիչներից (այնտեղ, վորտեղ տեղավորված են նրանց մասերը):

Մանրութիւն. Գավառական ընտրական հանձնաժողովները ոգտրվում են գավառական գործադիր կոմիտեների ապարատով:

14. Թիֆլիս քաղաքի և նրա գավառի համար Թիֆլիսի Գործադիր Կոմիտեի Նախագահութիւնը կազմում է գավառա-քաղաքային ընտրական հանձնաժողով, վորը բաղկացած է մի նախագահից և Թիֆլիսի Գործադիր Կոմիտեի, Թիֆլիսի Քաղաքային Խորհրդի, Վրաստանի արհեստակցական միութիւնների խորհրդի, Յերիտասարդութեան Լենինյան Կոմունիստական Միութեան, Վրաստանի Կոմկուսի բանվորուհիների և գեղջկուհիների բաժնի, Կարմիր բանակի և նավատորմի, ազգային փոքրամասնութիւնների և արտագրութեան հետ անմիջապէս կապված բանվորների ներկայացուցիչներից:

15. Փոթի քաղաքի համար Փոթիի Գործադիր Կոմիտեի Նախագահութիւնը կազմում է Քաղաքային Ընտրական Հանձնաժողով, վորը բաղկացած է մի նախագահից, Փոթիի Քաղաքային Խորհրդի, Արհեստակցական Միութիւնների միավորումների, Յերիտասարդութեան Լենինյան Կոմունիստական Միութեան, Վրաստանի Կոմկուսի բանվորուհիներն բաժնի, Կարմիր բանակի և նավատորմի, ազգային

փոքրամասնութիւնների և արտագրութեան հետ անմիջապէս կապված բանվորների ներկայացուցիչներից:

16. Գավառական, Թիֆլիսի գավառա-քաղաքային և Փոթիի քաղաքային հանձնաժողովների նախագահներին, Կենտրոնական ընտրական հանձնաժողովի առաջարկութեամբ, նշանակում է Համավրացական Կենտրոնական Գործադիր Կոմիտեի Նախագահութիւնը:

17. Սուխում և Բաթում քաղաքներում խորհուրդների ընտրութիւններն ըստ պատկանելւոյն կատարում են Աբխազիայի Սոց. Խորհրդ. Հանրապետութեան և Աճարիստանի Ինքնավար Սոց. Խորհրդ. Հանրապետութեան Կենտրոնական Գործադիր Կոմիտեներին առնթեր կազմած ընտրական հանձնաժողովները: Հիշած Կենտրոնական Գործադիր Կոմիտեների Նախագահութիւնները ընտրութիւններ կատարելու համար կարող են կազմել մատնանշած քաղաքներում քաղաքային ընտրական հանձնաժողովներ:

18. Ճիաթուրի, Սաշուրի, Բորժոմ և Սամտրեդի քաղաքներում կազմվում են քաղաքային ընտրական հանձնաժողովներ, յոթ հոգուց բաղկացած՝ մի նախագահից, վորին հաստատում է համապատասխան գավառական գործադիր կոմիտեն և համապատասխան քաղաքային խորհրդի, արհեստակցական միութիւնների, Կարմիր բանակի, Յերիտասարդութեան Համամիութենական Լենինյան Կոմունիստական Միութեան ներկայացուցիչներից և բանվորուհիների մի ներկայացուցչից, վորին ընտրում է կանանց և բանվորուհիների պատվիրակների համաքաղաքային ժողովը:

19. Գավառական քաղաքներում և Յագերի վայրում ընտրութիւններ կատարելը հանձնարարվում է անմիջապէս գավառական ընտրական հանձնաժողովներին, իսկ Շահումյան և Խոնի քաղաքներում—տեղական թեմիական ընտրական հանձնաժողովներին:

20. Թիֆլիս քաղաքի առանձին ռայոններում ընտրութիւններ կատարելու համար Թիֆլիսի Գործադիր Կոմիտեի Նախագահութիւնը կազմում է ռայոնական ընտրական հանձնաժողովներ, բաղկացած վոյ ալելի քան 5—7 անդամից: Ռայոնական ընտրական հանձնաժողովների նախագահներին նշանակում է Թիֆլիսի Գործադիր Կոմիտեն: Բացի այդ, նույն կարգով և նույն կազմով Թիֆլիսում տեղավորված զորամասերում ընտրութիւններ կատարելու համար կազմվում է կայազորային ընտրական հանձնաժողով:

Մանրութիւն: Սույն հոգվածի մեջ մատնանշած կարգով կարող

են կազմվել ռայոնական ընտրական հանձնաժողովներ, նույնպես և Սուխում, Բաթում, Փոթի քաղաքներում և գավառական քաղաքներում ըստ պատկանելության, Աբխազիայի գաղնակից Սոց. Խորհրդ. Հանրապետության և Աճարխստանի Ինքնավար Ս. Խ. հանրապետության Կենտրոնական Գործադիր Կոմիտեների Նախագահությունների, Փոթիի Գործադիր Կոմիտեի Նախագահության և գավառական գործադիր կոմիտեների Նախագահությունների վորոշումներով:

21. Թեմիական ընտրական հանձնաժողովները ընտրվում են 7 անդամից բաղկացած կազմով, այն ե՛ւ մի նախագահից, թեմիական խորհրդի յերկու ներկայացուցչից, Յերիտասարդություն Լինինյան Կոմունիստական Միություն, կանանց պատվիրակների ժողովների մի-մի ներկայացուցչից և գյուղացիական փոխադարձ ոգնություն ընկերությունների յերկու ներկայացուցչից, նույնպես և Կարմիր Բանակի և Նավատորմի ներկայացուցչից (յեթե նրանց մասերը տեղավորված են սույն վայրերում): Թեմիական ընտրական հանձնաժողովի անդամներին առաջադրում են թեմիական խորհուրդներն և հաստատում են գավառական գործադիր կոմիտեները, վորոնք միաժամանակ պերսոնալ կերպով նշանակում են թեմիական ընտրական հանձնաժողովների նախագահներին:

Ծանոթություն: Թեմիական ընտրական հանձնաժողովներն իրենց աշխատանքների համար ոգտվում են թեմիական գործադիր կոմիտեների ապարատով:

22. Գյուղական ընտրական հանձնաժողովները համապատասխան վայրերում (10-ըդ հոգվ. ծանոթություն) կազմվում են հինգ հոգուց՝ մի նախագահից, յերկու ներկայացուցչից գյուղական խորհրդից և մի-մի ներկայացուցչից՝ կանանց պատվիրակների ժողովներից, փոխադարձ ոգնություն գյուղացիական ընկերությունից և Կարմիր բանակի և նավատորմի ներկայացուցչից (այն վայրերում, վորտեղ տեղավորված են նրանց մասերը):

Ծանոթություն: Գյուղական ընտրական հանձնաժողովներն իրենց աշխատանքի համար ոգտվում են գյուղական խորհրդի և համապատասխան թեմիական գործադիր կոմիտեի ապարատով:

23. 10-ըդ հոգվածում մատնանշած ընտրական հանձնաժողովները կազմվում են խորհուրդների ընտրությունների ժամանակ և ընտրական կամպանիան ավարտելուց մի ամսվա ընթացքում լուծվում են Համավրացական Կենտրոնական Գործադիր Կոմիտեի Նախագահություն կարգադրությամբ:

24. Ընտրական հանձնաժողովները պարտավոր են՝

ա) համապատասխան տերիտորիայի վրա վերահասու լինել ընտրությունների որինակություն և ընտրական կամպանիայի համար սահմանած ժամկետների կանոնների և նորմաների կատարման, և թույլ չտալ նրանց խախտումը:

բ) վերահասու լինել, վորպեսզի ընտրությունների ժամանակ ընտրողների վրա վարչական ճնշում չգործադրվի:

գ) ղեկավարել ստորագաս ընտրական հանձնաժողովների աշխատանքները:

դ) առաջադրել համապատասխան գործադիր կոմիտեներին ստորագաս ընտրական հանձնաժողովներին և առանձին անդամներին հեռացնելու մասին:

ե) հաշիվ պահանջել ստորագաս ընտրական հանձնաժողովներից ընտրություն ընթացքի մասին և սահմանած ձևով տեղեկություններն ամբողջ նյութի հետ միասին ներկայացնել վերագաս ընտրական հանձնաժողովներին և համապատասխան գործադիր կոմիտեներին:

զ) սահմանած ժամկետներին քննել ստորագաս ընտրական հանձնաժողովների ղեմ և մասնավորապես ընտրական իրավունքից անկանոն զրկելու համար տված գանգատները:

ը) առաջադրել վերագաս ընտրական հանձնաժողովներին սույն հրահանգի 64-ըդ հոգվածում նախատեսված դեպքերում չհաստատել ընտրություններն թե ամբողջապես և թե մասնակի՝ առանձին պատվիրակների նկատմամբ:

թ) ուղարկել իր ներկայացուցիչներին ծանոթանալու համար ստորագաս հանձնաժողովների աշխատանքներին և ընտրական կամպանիայի ընթացքին:

25. Քաղաքներում ռայոնական ընտրական հանձնաժողովներին, իսկ ռայոնական ընտրական հանձնաժողովներ չլինելու դեպքում — քաղաքային հանձնաժողովներին, բացի վերև մատնանշած պարտավորություններից, հանձնարարվում ե՛ւ՝

ա) կազմել և հաստատել ընտրական իրավունք ունեցող անձանց (ընտրողների) ցուցակը:

բ) կազմել, քննել, ստուգել և հրապարակել ընտրական իրավունքներից զրկվածների ցուցակը:

գ) ուղարկել ընտրողներին անվանական ընտրական ծանուցա-

գրեր և դիմել ուրիշ միջոցների տեղեկացնելու ընտրական ժողովների տեղի և ժամանակի մասին:

դ) նշանակել իր լիազորներին առանձին ընտրական խմբակների համար՝ արհեստակցական միությունների, տնային տնտեսուհիների, տնայնագործների, գյուղացիների, կարմիր բանակայիների համար և այլն:

Ծանոթություն 1: Այն քաղաքներում, ուր չեն կազմակերպված քաղաքային ընտրական հանձնաժողովներ, սույն հոդվածում մատնանշած ֆունկցիաները հանձնարարվում են ընտրական այն հանձնաժողովներին, վորոնց սույն հրահանգի համաձայն հանձնարարված է այս քաղաքներում ընտրություններ կատարելը:

Ծանոթություն 2: Թիֆլիսում անվանական ընտրական ծանուցագրերն ուղարկվում են միայն այն ընտրողներին, վորոնք չեն մտնում ձեռնարկությունների և հիմնարկությունների մեջ և չեն միացած արհեստակցական միությունների միջոցով:

26. Թեմիական ընտրական հանձնաժողովներին, նույնպես և գյուղական ընտրական հանձնաժողովներին (ուր նրանք կազմված են), բացի սույն հրահանգի 24-րդ հոդվածից բխող պարտականություններից, հանձնարարվում է՝

ա) ուսուցիչ ընտրական մասերի բաժանելը:

բ) խորհուրդների ընտրության համար շրջանամասի լիազորներ նշանակելը:

գ) ընտրական իրավունքով ոգտվող անձանց (ընտրողների) ցանկեր կազմելն ու հաստատելը:

դ) ընտրական իրավունքից զրկված անձանց ցանկեր կազմելը, քննելը, ստուգելն և հրապարակելը:

ե) ընտրական ժողովների տեղի և ժամանակի մասին տեղեկացնելը, քաղաքացիներին ընտրական ծանուցագրեր ուղարկելը:

Գ Լ Ո Ի Խ III

ԸՆՏՐՈՂՆԵՐԻ ԵՎ ԸՆՏՐԱԿԱՆ ԻՐԱՎՈՒՆՔԻՑ ԶՐԿՎԱԾ ԱՆՁԱՆՑ ՑՈՒՑԱԿՆԵՐ ԿԱԶՄԵԼՈՒ ՄԱՍԻՆ:

27. Թեմիական, գյուղական և քաղաքային խորհուրդները պառնում են մշտական անվանական հաշվառք այն անձանց նկատմամբ, վորոնք զրկված են ընտրական իրավունքից: Այս հաշվառքը պահվում է յուրաքանչյուր գյուղի և քաղաքի համար առանձին:

28. Ընտրական իրավունքից զրկվածների հաշվառությունը կատարվում է վավերագրի բնույթ կրող տեղեկությունների հիման վրա:

Իբրև այդորինակ տեղեկություններ հանդիսանում են՝

ա) դատարանով ընտրական իրավունքից զրկվածների նկատմամբ—դատավճիռների պատճենները կամ համապատասխան դատական մարմիններից տրված տեղեկանքները:

բ) շահ ստանալու նպատակով վարձու աշխատանք կիրարկողների, նույնպես և անաշխատ յեկամուտով ապրողների նկատմամբ—յեկամտային և արդյունաբեր զբաղման նրանց կողմից վճարած հարկի մասին ֆինանսական մարմինների տեղեկությունները և նրանց կողմից մուծած ապահովագրական վճարների մասին ապահովագրական գանձարկիների տված տեղեկությունները:

գ) առևտրով պարապողների նկատմամբ—նրանց կողմից վերցրած պատենտների մասին ֆինանսարմինների տեղեկանքները:

դ) հոգեպես հիվանդների և խելակորուսյաների նկատմամբ—նրանց հոգեպես հիվանդ կամ խելակորուսյա ձանաչելու մասին առողջապահական մարմինների կազմած ակտերը կամ նրանց վավերացրած պատճենները, իսկ խնամակալության տակ գտնվողների նրկատմամբ—խնամակալության համապատասխան մարմինների տեղեկանքները:

ե) նախկին ոստիկանության ծառայողների և զործակալների, կրոնական պաշտամունքների սպասարկուների և սոյն հրահանգի 5-րդ հոդվածում մատնանշած բոլոր այլ անձանց նկատմամբ—վարչական մարմինների կամ թեմական գործադիր կոմիտեների և թեմիական կամ գյուղական խորհուրդների տեղեկանքները:

29. Թեմիական, գյուղական, ուսուցչական (կամ քաղաքային) և գավառական ընտրական հանձնաժողովները, ըստ պատկանելության, կազմում և հաստատում են ընտրողների ցանկերը՝ գյուղական վայրերում—յուրաքանչյուր առանձին գյուղի համար, իսկ քաղաքներում—ըստ արտագրական և արհեստակցական միավորների: Ձեռնարկությունների և հիմնարկությունների մեջ չմտնող և արհեստակցական միություններով չկապված ընտրողների ցանկերը կազմվում են տեղիտորյալ միավորների հիման վրա (ուսուցչական և այլն):

Ծանոթություն: Թիֆլիսում չեն կազմում ընտրական իրավունք ունեցող անձանց ցուցակները:



30. Թեմիական, գյուղական և քաղաքային խորհուրդների կողմից ներկայացրած ցանկերի հիման վրա (հոդ. հոդ. 27—28) նախկին հոգվածում մասնանշած ընտրական հանձնաժողովները կազմում և հաստատում են ընտրական իրավունքներից զրկված անձանց ցուցակները: Ընտրական իրավունքից զրկված անձանց ցուցակները կազմելիս ընտրական հանձնաժողովները յուրաքանչյուր անհատի նկատմամբ սույն հրահանգի 28-րդ հոդվածում մասնանշած վավերագրային տեղեկությունների հիման վրա պարտավոր են ստուգել, թե վորքան կանոնավոր կերպով և այս կամ այն անհատը զրկված ընտրական իրավունքներից:

Ծանոթություն: Թիֆլիսի ռայոնական ընտրական հանձնաժողովները ընտրական իրավունքներից զրկված անձանց ցուցակները կազմելիս 28-րդ հոդվածում մասնանշած վավերագրային տեղեկությունների փոխարեն կարող են ոգտվել շահագրգռված անձնավորությունների և վկաների հարցուփորձով ստացած տեղեկություններով:

31. Ընտրական հանձնաժողովները համապատասխան խորհրդի ընտրությունից փոշ ուշ քան 20 որ առաջ պարտավոր են հրապարակել ընտրական իրավունքից զրկվածների ցանկը, տպագրելով տեղական թերթերում, կախելով տեսանելի տեղերում, հայտարարելով ընդհանուր ժողովներում և այլն:

32 Հաստատած ցանկի մի որինակն ընտրական հանձնաժողովը ուղղում է համապատասխան խորհրդին, իսկ մյուս որինակը — վերադաս ընտրական հանձնաժողովին:

Գ Լ Ո Ի Խ IV

ԸՆՏՐԱԿԱՆ ԻՐԱՎՈՒՆՔԻՑ ԶՐԿՎԱԾՆԵՐԻ ԿՈՂՄԻՑ ՏՐՎԱԾ ԳԱՆԳԱՏՆԵՐԻ ՔՆՆՈՒԹՅԱՆ ԿԱՐԳԻ ՄԱՍԻՆ

33. Ընտրական հանձնաժողովի վորոշումով ընտրական իրավունքից զրկված անձինք սույն վորոշման դեմ կարող են բողոքել ցանկը հրատարակելու որից յոթ որվա ընթացքում, յեթե նրանց կարծիքով ընտրական իրավունքներից զրկելը հակասում է ՎՍԽՀ Սահմանադրությանը և սույն հրահանգի 4—6 հոդվածներին:

34. Գանգատները ներկայացվում են ցուցակը հաստատած ընտրական հանձնաժողովին: Ընտրական հանձնաժողովը պետք է վերաքննի իր վորոշումն և կայացնի համապատասխան վճիռ: Գանգա-

տը հարգելու դեպքում ընտրական հանձնաժողովն այս մասին հաղորդում է գանգատավորին, մերժելու դեպքում ընտրական հանձնաժողովն յերեք որվա ընթացքում գանգատն իր յեզրակացության հետ միասին ուղղում է վերադաս ընտրական հանձնաժողովին (այսինքն, գյուղական հանձնաժողովը — Թեմիականին, Թեմիականը — գավառականին, ռայոնականը — քաղաքայինին կամ գավառականին ըստ պատկանելության, քաղաքայինը կամ գավառականը կենտրոնականին):

35. Վերադաս ընտրական հանձնաժողովը նախընթաց հոգվածի կարգով ստացած գանգատը քննում է յերեք որվա ընթացքում: Քննության հետևանքները գանգատավորին տեղեկացնելու համար վերադաս ընտրական հանձնաժողովը հաղորդում է ստորադաս ընտրական հանձնաժողովին, բացի սույն հրահանգի 36-րդ հոդվածում նախատեսած դեպքից:

36. Յեթե Թեմիական ընտրական հանձնաժողովը մերժում է գյուղական ընտրական հանձնաժողովի վորոշման դեմ տրված գանգատը, սույն գանգատը նա ուղարկում է գավառական ընտրական հանձնաժողովին: Վերջինս քննում է գանգատն յերեք որվա ընթացքում և կայացնում է իր վճիռը, վորով կամ հաստատում է գյուղական ընտրական հանձնաժողովի վորոշումը կամ հարգում է գանգատը, վորի մասին հաղորդում է համապատասխան ընտրական հանձնաժողովին և գանգատավորին:

37. Ընտրական հանձնաժողովների աշխատանքները վերջանալուց հետո ընտրական իրավունքից զրկվածների գանգատների առիթով ծագած հարցերի քննությունը կատարում են համապատասխան խորհուրդներն և գործադիր կոմիտեները, վորոնց վորոշումների դեմ կարելի յե բողոքել վերադաս գործադիր կոմիտեներին:

38. Գերագույն կառավարչության կարգով ընտրական իրավունքից զրկելու վերաբերյալ հարցերը լուծում է Համավրացական կենտրոնական Գործադիր կոմիտեյի Նախագահությունը:

Գ Լ Ո Ի Խ V

ԸՆՏՐԱԿԱՆ ԺՈՂՈՎՆԵՐԻ ՄԱՍԻՆ

39. Յուրաքանչյուր ընտրող իրազործում է իր ընտրական իրավունքը մի տեղում: Յեթե իր աշխատանքի կամ զբաղմունքի պատճառով տվյալ անձնավորությունն ոգտվում է ընտրական իրավունք-

քով մի քանի հիմնարկություններում կամ տեղերում, նրան իրավունք է վերապահվում ընտրելու, թե վորտեղ ե նա մասնակցելու ընտրություններին:

40. Խորհրդների անդամների և թեկնածուների ընտրությունը կատարվում է ընտրական ժողովներում:

Ծանոթություն: Թիֆլիս քաղաքում ձեռնարկությունների և հիմնարկությունների մեջ մտնող կամ արհեստակցական միություններով կապված ընտրողներն ընտրություններին մասնակցելու համար առանձին տոմսակներ են ստանում իրենց ձեռնարկությունից և հիմնարկությունից կամ համապատասխան արհեստակցական միությունից:

41. Ընտրական ժողովները գումարում է ընտրական հանձնաժողովը կամ նրա լիազորը:

42. Ընտրական ժողովի տեղի և ժամանակի մասին ընտրողները տեղեկություն են ստանում անվանական ծանուցագրերով, նույնպես տեսանելի տեղերում կպցրած համապատասխան հայտարարություններից, թերթերում հայտարարելուց և այլն, Այս բոլորը տեղի յե ունենում ժողովը բաց անելուց վոչ ուշ քան 5 որ առաջ:

43. Քաղաքներում ընտրական ժողովները կազմվում են արտագրական և արհեստակցական միություններում (ձեռնարկություններում, հիմնարկություններում և արհեստակցական միություններում):

Այն քաղաքացիների համար, վոր չեն մտնում ձեռնարկությունների և հիմնարկությունների և արհեստակցական միությունների մեջ, ինչպես որինալ՝ տնայնագործների, արհեստավորների, տան տնտեսուհիների, կառավարների համար և այլն, ընտրական ժողովները տեղի յեն ունենում ըստ տեղիտորիալ միությունների (ռայոնների, քաղաքամասերի և այլն):

44. Թեմիական և գյուղական խորհուրդների համար ընտրությունները կատարվում են յուրաքանչյուր գյուղում, յեթե բնակիչների թիվը 100-ից պակաս չէ: Յեթե բնակչության թիվը 100-ից պակաս է, առանձին գյուղերը միանում են մի պատվիրակ ընտրելու համար:

45. Ընտրական հանձնաժողովները կարող են յուրաքանչյուր գյուղը բաժանել առանձին ընտրական մասերի, յեթե միայն յուրաքանչյուր ընտրական մասի բնակիչների թիվը 100-ից պակաս չէ:

46. Բոլոր ընտրական ժողովներում պետք է տեղի ունենա ընտրությանը ներկա յեղողների հաշվառությունը:

Ընտրական ժողովներում կարող են ներկա լինել միայն ընտրական իրավունք ունեցող անձինք:

47. Ընտրական ժողովն որինական է համարվում, յեթե ներկա յե տվյալ ընտրական մասի ընտրողների ընդհանուր թվի 35% -ից վոչ պակասը:

48. Յեթե ընտրական ժողովին ներկա յե ընտրողների 35% -ից պակասը, ժողովը համարվում է չկայացած, վորի մասին արձանագրություն է կազմվում և կցվում ընտրական գործին: Ընտրական ժողովն այս դեպքում տեղի յե ունենում մոտակա որերից մեկում, վորի մասին հաղորդագրություն են ստանում ընտրողները:

49. Ընտրողական ժողովը բաց է անում ընտրական հանձնաժողովի լիազորը և վարում է յերեք հոգուց ընտրած նախագահությունը, ընտրական հանձնաժողովի լիազորի նախագահությամբ:

50. Ընտրական ժողովը բաց անելուց հետո նախագահը պարտավոր է՝

ա) ծանոթացնել ժողովականներին ընտրությունների կարգի հետ և դրա համար կարգում է սույն հրահանգի 1—8 հոդվածները, նույնպես և 38—58 հոդ. հոդ.

բ) ծանուցանում է ընտրողների և ընտրությանը ներկա յեղողների թիվը:

գ) ծանուցանում է ընտրական ժողովից առաջ և ժողովում առաջարկած թեկնածուների ցուցակները և առանձին թեկնածուների անունն և ազգանունը, մատնանշելով, թե ում կողմից են առաջարկվել թեկնածուները:

51. Ընտրական ժողովի որակարգը հաստատում է նույն ժողովը:

52. Ժողովի վորոշումով քվեարկությունը տեղի յե ունենում կամ ցուցակներով կամ պերսոնալ կերպով:

Ծանոթություն: Ցուցակներով քվեարկելիս թույլատրվում է համապատասխան ցուցակից հանել առանձին թեկնածուներին:

53. Թեկնածուների ցուցակներ կամ առանձին թեկնածուներ ներկարող են առաջարկել թե հասարակական, կուսակցական և արհեստակցական միությունները, թե առանձին քաղաքացիները, թե ընտրական ժողովում, թե նախ քան ընտրական ժողովը, հրատարակելով մամուլի միջոցով կամ տեսանելի տեղերում փակցնելով:

54. Ընտրական ժողովներն և նրանց լիազորներն իրավունք

չունեն իրենց կողմից առաջարկեյ թեկնածուների ցուցակներ կամ առանձին թեկնածուներ։

55. Յեթե ժողովը կարևոր և համարում, յուրաքանչյուր թեկնածութունը կարող է նախապես քննության յենթարկվել։

56. Ընտրությունները կատարվում են բաց քվեարկությամբ։ Ընտրված են համարում նրանք, վոր ստացել են քվեարկության մասնակցող ընտրողների ձայների կիսից ավելին։

Ծանոթություն։ Յեթե թեկնածուների կարևոր թիվը ձայների մեծամասնութուն չի ստանում, կատարվում է նոր քվեարկութուն, այս դեպքում քվեարկությունից առաջ կարելի չէ առաջարկել նոր թեկնածուներ։

57. Ընտրական ժողովներն ընտրում են պատվիրակներ հետևյալ հաշվով՝ Թիֆլիս քաղաքում 200 ընտրողին ընկնում է մի պատվիրակ, Քուլթայի քաղաքում—150 ընտրողին, Բաթում քաղաքում—100 ընտրողին, Սուխում, Փոթի, Գորի, Ճիաթուրի, Սաչալերի, Բորչոմ և Սամտրեդի քաղաքներում—50 ընտրողին, իոկ մնացած քաղաքներում և գյուղական վայրերում յուրաքանչյուր 100 բնակչին գալիս է մի պատվիրակ։

Յեթե ընտրական մասում լիակատար ընտրական նորմաներից դուրս յերևան է գալիս ընտրողների կամ բնակիչների մի այնպիսի քանակութուն, վորը թեև չի հասնում սույն հոդվածով նախատեսված ընտրական նորմաներին, բայց կազմում է համապատասխան ընտրական նորմայի կիսից ավելին, խորհրդի համար ընտրվում է լրացուցիչ պատվիրակ։

58. Այն գյուղերում ու քաղաքներում, ուր մնացած բնակչութունը խորհուրդների համար պատվիրակներ է ընտրում բնակիչների ընդհանուր թվի չափով, Կարմիր բանակի կազրային մասերն և տերիտորիալ մասերի մշտական կազմն ընտրում են իրենց պատվիրակներին, հաշվելով 50 ընտրողին մի պատվիրակ, իսկ այն քաղաքներում, վորտեղ մնացած բնակիչները պատվիրակներ են ընտրում ընտրողների թվի չափով, ընտրում են իրենց պատվիրակներին սույն հաշվով, ինչպես և մնացած բնակչութունը։

Այն դեպքում, յերբ Կարմիր բանակի կազրային մասում կամ տերիտորիալ մասի մշտական կազմի մեջ այս կամ այն տեղում բացակայում է ընտրողների այն քանակութունը, վորը հարկավոր է մի պատվիրակ ընտրելու համար, ընտրության համար սույն մասը

կարող է միանալ սույն վայրում գտնվող ուրիշ մասերի հետ, իսկ յեթե այդպիսիները չլինեն կամ յեթե միանալուց հետո ել ընտրողների թիվը բավական չլինի մի պատվիրակ ընտրելու համար, այդ մասը կամ միացած մասերը խորհրդի համար ընտրում են մի պատվիրակ։

Ծանոթություն։ Կարմիր բանակի տերիտորիալ մասերի փոփոխական կազմը պատվիրակներ է ընտրում մնացած բնակչության հետ միասին և նրա հետ հավասար նորմայով։

59. Յուրաքանչյուր ընտրական ժողով բացի պատվիրակներից ընտրում է և թեկնածուներ պատվիրակների մի յերրորդի չափով։ Խորհուրդի անդամների թեկնածուներն ընտրվում են առանձին քվեարկությամբ, պատվիրակներ ընտրելուց հետո։

60. Թեմիական խորհրդի անդամներ և թեկնածուներ ընտրելուց հետո համապատասխան ընտրական ժողովներում ընտրվում են առանձին քվեարկությամբ թեմիական գործադիր կոմիտեներին առընթեր վերաստուգիչ հանձնաժողովներ, բաղկացած յերեք անդամից և յերկու թեկնածուից։

61. Այն դեպքերում, յերբ թեմիական խորհրդի ընտրությունները տեղի յեն ունենում մի քանի ընտրական մասերում, վերաստուգիչ հանձնաժողովի անդամների թեկնածությունները պետք է դրվեն բոլոր ընտրական մասերում. ընտրված են համարվում ձայների մեծամասնութուն ստացած թեկնածուները, բայց վոչ պակաս քան բոլոր ընտրական ժողովներում մասնակցողների աված ձայների կեսը։

Ծանոթություն։ Վերաստուգիչ հանձնաժողովների անդամ չեն կարող ընտրվել այն անձինք, վոր մասնանշված են թեմիական գործադիր կոմիտեներին առընթեր վերաստուգիչ հանձնաժողովների մասին կանոնադրության 2-րդ հոդվածում։

62. Ընտրական ժողովի ընթացքի և հետևանքների մասին կազմվում է սահմանած ձևով արձանագրություն։ Արձանագրությունը ստորագրում է ընտրական ժողովի նախագահութունը։

63. Ընտրական հանձնաժողովը ընտրած յուրաքանչյուր պատվիրակի վերաբերյալ կազմում է հաստատած ձևով անկետա։

ԸՆՏՐՈՒԹՅՈՒՆՆԵՐԸ ԲԵԿԱՆԵԼՈՒ ԿԱՐԳԻ ՅԵՎ ՆՈՐ ՈՒ ԼՐԱՑՈՒՑԻՉ
ԸՆՏՐՈՒԹՅՈՒՆՆԵՐԻ ՄԱՍԻՆ

64. Ընտրությունները բեկվում են հետևյալ պատճառներով՝

ա) յեթե ընտրություններին մասնակցել են ընտրողների 35 տոկոսից պակաս ընտրողներ:

բ) յեթե ընտրություններ կատարելիս տեղի յե ունեցել ՎՍԽՀ Սահմանադրության և սույն հրահանգի վորոշումների խախտումներ:

65. Ընտրությունների բեկանումը վերև հիշած պատճառներով կարող է տեղի ունենալ՝

ա) ամբողջապես, այսինքն, խորհրդի անդամների ամբողջ կազմի նկատմամբ:

բ) մասնակի, այսինքն, առանձին ընտրական շրջանամասերում, խորհրդի առանձին անդամների նկատմամբ:

66. Ընտրությունները բեկանվում են ամբողջապես, յեթե պատվիրակների կիսից ավելին ընտրվել է ապուրինի (հոդ. 64): Յեթե ապուրինի ընտրությունները տեղի յեն ունեցել մի կամ մի քանի ընտրական շրջամասերում, վորտեղ ընտրված է պատվիրակների նվազագույն մասը, ընտրությունները բեկանվում են միայն սույն ընտրական շրջամասերի նկատմամբ, իսկ մնացած շրջամասերում ընտրությունները համարվում են որինավոր:

67. Ընտրությունները կարող են բեկանվել դաշնագրային կամ ինքնավար Հանրապետության և շրջանի կամ գավառի ինչպես ամբողջ տերիտորիայի վերաբերյալ, նույնպես և սույն տերիտորիայի առանձին մասերի վերաբերյալ: Ընտրությունների բեկման մասին հայտարարվում է ի հանուր գիտություն կամ հրապարակելով տեղական թերթերում կամ ընտրողների ժողովներում:

68. Կատարած ընտրությունների դեմ գանգատներն և հայտարարությունները տրվում են գրավոր՝ ընտրությունները ղեկավարող ընտրական հանձնաժողովներին, ընտրություններից յոթ որվա ընթացքում:

69. Ընտրական հանձնաժողովը տրված հայտաբարությունը կամ գանգատը իր բացատրության հետ միասին յերեք որվա ընթացքում ներկայացնում են վերադաս ընտրական հանձնաժողովին:

Վերադաս ընտրական հանձնաժողովը յոթ որվա ընթացքում

պարտավոր է քննել այս հայտարարություններն ու գանգատները: Ընտրությունների մասնակի անկանոնության մասին հարցերը լուծում է իր իշխանությամբ, իսկ ընտրություններն ամբողջապես հաստատելու կամ բեկանելու վերաբերյալ հարցերն իր յեզրակացության հետ միասին ներկայացնում է իրեն համապատասխան գործադիր կոմիտեյի լուծմանը:

70. Ընտրությունները բեկանելու դեպքում նոր ընտրությունները կատարվում են սույն հրահանգով սահմանած կարգով: Եթե ընտրությունները բեկանված են ամբողջապես, նոր ընտրություններ կատարելու համար կազմակերպվում է համապատասխան ընտրական հանձնաժողով, նոր կազմով:

71. Աշխատանքներն ավարտելուց հետո ընտրական հանձնաժողովներն ընտրության վերաբերյալ բոլոր նյութերը հանձնում են համապատասխան խորհրդին կամ գործադիր կոմիտեյին:

72. Այն դեպքում, յերբ ընտրողները հետո են կոչում պատվիրակներին, խորհուրդը նրանց փոխարեն հրավիրում է նույն ընտրական շրջանամասի թեկնածուներին, իսկ այդպիսիների չլինելու դեպքում նշանակում է խորհրդի առանձին անդամների լրացուցիչ ընտրություններ:

Լրացուցիչ ընտրությունները հաստատում են համապատասխան թեմիական, գյուղական կամ քաղաքային խորհուրդները:

73. Նախընթաց հոդվածում մատնանշած կարգը պահվում է և այն դեպքում, յերբ խորհուրդների կազմից դուրս են գալիս առանձին անդամներ մահվան, բնակավայրը փոխելու, ընտրական իրավունքը կորցնելու պատճառով և այլն:

74. Այն դեպքում, յերբ 72—73 հոդվածներում մատնանշած պատճառով պետք է նորից ընտրվեն խորհրդի անդամների կիսից ավելին, սահմանած կարգով կատարվում է խորհրդի անդամների ամբողջ կազմի վերընտրությունը:

Վերընտրությունները հաստատում են վերադաս գործադիր կոմիտեները:

75. Այն դեպքում, յերբ Գործադիր կոմիտեյի կազմից հեռանում է նրա անդամների կիսից ավելին, տեղի յե ունենում Գործադիր կոմիտեյի ամբողջ կազմի վերընտրությունը:

ԽՈՐՀՈՒՐԴՆԵՐԻ ՅԵՎ ՀԱՄԱԳՈՒՄԱՐՆԵՐԻ ԳՈՒՄԱՐՄԱՆ ՄԱՍԻՆ

76. Նոր ընտրած խորհրդի առաջին կազմակերպչական նիստը գումարում է ընտրական հանձնաժողովի ներկայացուցիչը: Այս նիստ

տում ընտրում են խորհրդի գործադիր կոմիտեները: Նույն կարգով գումարվում են և խորհուրդների համագումարները:

77. Այն վայրերում, ուր գոյութիւն ունեն գյուղական խորհուրդներ, խորհուրդների թեմիական համագումարները կազմվում են գյուղական խորհուրդների ներկայացուցիչներից, հաշվելով բնակչութեան 100 հոգուն մի ներկայացուցիչ:

78. Խորհուրդների գավառական համագումարը կազմվում է գավառի տերիտորիայի վրա գոյութիւն ունեցող խորհուրդների ներկայացուցիչներից հետևյալ հաշվով. այն վայրերում, վորտեղ խորհուրդների անդամներն ընտրվում են բնակչութեան քանակի համեմատ, բնակչութեան 1000 հոգուց ընտրվում է մի պատվիրակ, իսկ այն վայրերում, ուր խորհրդի անդամներն ընտրվում են ընտրողների թվի համեմատ, ընտրողների 200 հոգուց ընտրվում է մի պատվիրակ:

Ծանոթություն: Այն վայրերում, ուր գոյութիւն ունեն գյուղական խորհուրդներ, խորհուրդների գավառական համագումարի պատվիրակներն ընտրվում են խորհուրդների թեմիական համագումարներում:

79. Խորհուրդները Համավրացական Համագումարը կազմվում է դաշնագրային, ինքնավար միավորների և գավառական խորհուրդների համագումարների և Փոթի քաղաքի խորհրդի ներկայացուցիչներից, հետևյալ հաշվով. այն բնակավայրերում, վորտեղ խորհուրդների անդամներն ընտրվում են բնակչութեան քանակի համեմատ, բնակչութեան 10,000 հոգուց ընտրվում է մի ներկայացուցիչ, իսկ այն բնակավայրերում, ուր խորհրդի անդամներն ընտրվում են ընտրողների թվի համեմատ, ընտրողների 2000 հոգուց ընտրվում է մի ներկայացուցիչ:

80. Համագումարների համար էառարած ընտրութեւնների կանոնաւորութեւնը և պատվիրակները լիազորութեւնները ստուգելու համար յուրաքանչյուր համագումար ընտրում է մանդատային հանձնաժողով:

81. Մանդատային հանձնաժողովը ստուգման հետեւանքների մասին զեկուցանում է խորհուրդների համագումարին, վորն և վճիռ է հանում խորհուրդների համար կատարած ընտրութեւնների կանոնաւորութեւնը և ներկայացուցիչների լիազորութեւնը մասին:

Ծանոթություն: Գործադիր կոմիտեյի նախկին կազմի անդամները, վորոնք համագումարի ներկայացուցիչներ չեն, վայելում են խորհրդակցական ձայնի իրավունք:



82. Խորհուրդներն և Խորհուրդները համագումարները կարող են իրենց նախագահութեան և գործադիր կոմիտեների համար, նույնպես և վերագրած համագումարներին համար ներկայացուցիչներ ընտրել վոչ միայն սույն խորհուրդների և համագումարների անդամներից, այլ առհասարակ ընտրական իրավունք վայելող բոլոր քաղաքացիներից, անկախ նրանց բնակութեան կամ աշխատանքի տեղերից:

83. Համագումարի զբաղմունքները սկսելուց հետո, իշխանութեան գործադիր մարմինը շարունակում է մնալ նախկին կազմի համապատասխան գործադիր կոմիտեն, վորի ֆունկցիաները զադարում են միմիայն նոր կազմի գործադիր կոմիտեյի առաջին նիստը գումարելու հետ միասին:

84. Նոր գործադիր կոմիտե ընտրելուց հետո գումարվում է նախկին կազմի հետ միասին սույն գործադիր կոմիտեյի կազմակերպչական նիստը: Սույն նիստում ընտրվում են գործադիր կոմիտեյի նախագահը և նախագահութեանը, նույնպես և դռանձին պոստիները վարիչները:

Ծանոթություն 1: Գործադիր կոմիտեն ընտրում է իր նախագահութեան և նախագահին քարտավորապես իր անդամների կազմից:

Ծանոթություն 2: Գործադիր կոմիտեյի նախկին կազմի անդամները, վորոնք չեն մտել նոր կազմի մեջ և վարում են գործադիր կոմիտեյի առանձին բաժինները, սույն նիստում վայելում են խորհրդակցական ձայնի իրավունք:

85. Գործադիր կոմիտեյի նոր ընտրած նախագահն և բաժինների վարիչները, պաշտոնի մեջ մտնելիս, համապատասխան ակտերով նախկին կազմից ընդունում են գործերն և գույքը:

Խորհուրդների Համավրացական Կենտրոնական
Գործադիր կոմիտեյի նախագահի Տեղակալ՝ Ս. Թուրիա

Խորհուրդների Համավրացական Կենտրոնական
Գործադիր կոմիտեյի Քարտուղար՝ Շ. Մաքիկաւլիլի

1927 թ. գեկտեմբերի 16-ին:

Թիֆլիս — Պալատ:

ՀՀ Ազգային գրադարան



NL0206401

35. 674